

آبونه شرافتی : هر رايه
سنه لى (٤٠٠) اتى ايلنى
(٢٢٥) ممالك اجنيه ايجون
سنه لى (٤٥٠)، آلى آيلنى
(٢٥٠) غروشد.

نسخه سى ٧,٥ غروشد.
سنه لى ٥٢ عدد در.

اداره خانه : باب عالي جاده سنده
رشيد افندى خاندنه

اخطارات
آبونه بدلى پشندر.


مسلكه موافق آثار مع المنونيه
قبول اولنور . درج ايدلن
يازير احاده اولنماز .

والله يهدى من يشاء الى صراط مستقيم

باش محرر
محمد حاكف

صاحب و مدير
اشرف اديب

اتبعون اهدكم سبيل الرشاد



افندى مېر پشند
غروش كوند رمليدر .

مكتوبلرك امضالرى واضح
واوقونا قلى اولسى وآبونه
صره نومروسنى محتوى
بولونسى لازمدر

ممالك اجنيه ايجون آبونه
اولنرك آدرسلىرىك
فرانسجه يازلسى رجا اولنور.

پاره كوند رلدكى زمان نهيه
داثر اولدنى بيلدىرلى
رجا اولنور

مصرده مولد النبی :

(قاهره) دن صوك پوسته ایله كان غزته لرده اوقوندیغنه كوره بوسنه مصرده « مولد النبی » پك معظم احتفالات و تظاهرات ایله تسعید اولونمشدر . مصر ك پاتخی اولان (قاهره) ده عباسیه میدانی فوق العاده كوزل بر شكلده تنظیم اولونمش ، هر حكومت دائره سی نامه مكلف بر اوتاغ قورولمشدر . مصر مواصلات ، مالیه ، حربیه ، عدلیه ، معارف ، داخلیه و سائر نظارتلر و مصر مجلس ملیسی نامه قورولان اوتاغلر ك اورتیسنده مصر حكمداری نامه بر اوتاغ قورولمشدر . بو اوتاغك صاغنده طرق صوفیه شیخ المشایخی (سید عبدالحمید البكری) نك و طرق صوفیه نك متعدد چادرلری قورولمشدر . بوسنه مصر حكمداری بالذات احتفالانه اشتراك ایتدیكندن باش و كالت و كلی محمد سعید پاشایی كندی طرفدن كوندرمشدر . موسی ایله مولد كونی عباسیه میدانه كلرك هر سنه اولدینی كی ارباب طریقتك رسم كچیدینی تمشا ایتمشدر . مصرده اوتوز درت طریقت بولوندیغندن بونلرك كچیدی بر بقیق ساعت دوام ایتمشدر . مصر ك وزرا و كبراسی بونلرك طاشیدقلى معظم باقراقلى حامل اولدقلى و باشلرده آتیه بین طریقت شیخی بولوندیغنی حالده بونلرك دورینی سیر ایتمشدر .

هر قافله كچدكچ یو كسك رسسله فاتحه شریفه فی تلاوت ایدیوردی . بونلرك مرورینی متعاقب طرق صوفیه شیخ المشایخك اوتاغنده اوقونان مولدنبوی وزرا ، علما ، نامورین و اعیان طرفدن استماع ایدلمشدر . نائب حكمداری ده مصر حكمداری نامه بومراسمه حاضر بولونمشدر .

کیجه این بوتون عباسیه میدانی بر بلده نور حالی آلمشدر . بوتون اوتاغلرده یاییلان تنویرات بو قوجه میدانی كوندوزه چوریمشیدی . هر اوتاغده قرآن کریم ترتیل ایدیوردی ، اوراد و اذکار ایله مشغول اولونیوردی . صباحه قدر دوام ایدن بوتسعیدادن صوكره ۱۲ ربیع الاول كونی امام حسین حضرتلرینك جامع کیرنده ده رسمی و عمومی تظاهرات ایچنده مولدنبوی قرائت اولونمشدر . انكلتره نك مصر حمایه سیفی اعلانندن مقدم ، یعنی اون سنه اول ۱۲ ربیع الاول صباحی امام (حسین) جامع شریفنده مولدنبوی توركجه اوقونوردی . انكلیز حمایه سینك اعلانندن بری توركجه مولدنبوی عربجه اوقونمغه باشلامشدر .

بو احتفالات یالکیز (قاهره) یه منحصر قالماش و مصر ك بوتون مرا کزنده عینی تسعیدات یاپلمشدر .

مصر مسئله سی :

سمد زغلول پاشانك بیانات واقعه سندن آكلاشیلدیغنه كوره مشارلیه

لوندرده بولوندیغنی انشاده انكلتره باش و كلی ماقدونالد ایله اوچ كره كوروشمشدر . برنجی ملاقاتده زغلول پاشا سودانی مصر ك اجزای متمم سندن عد ایتدیكینی ، سودانك مصر دن تفریق ایدیلیمه جكنی و انكلیز وصایتته ترك اولونامیه جغنی سویله مشدر . ایكنجی ملاقاتده مصر باش و كلی ، مصرده انكلیز اشغال عسكری سینك بقاسنه ، یاخود مصر دوائر حكومتنده عدلی مستشار ، مالی مستشار كی انكلیز مأمورلرینك قالمه سنه ، انكلتره نك مصر مناسبات خارجیه سنه حاكم اولماسنه ، انكلتره نك مواصلات یوللرینی ، اقلیتلری و اجنبیلری حمایه ایتك كی درمیان ایتدیگنی ادعایله محل اولمادیغنی و بونلرك قبول ایدیلیمه جكنی بیان ایتمشدر . اوچنجی ملاقاتده انكلتره باش و كلی مصرده مسلح بر انكلیز قوتنك بولونماسی لازم كلدیكینی ، بوقوتك یالکیز سویش قانانی حمایه ایدیمه جكنی و مصر امورینه مداخله ایتیمه جكنی و بر اشغال عسكری ماهیتنی حائر اولمایه جغنی درمیان ایتمش ؛ مصر باش و كلی ده سویش قنالتك بین الملل بر كچید اولدیغنی بو خصوصك ۱۸۸۸ ده استانبول قونفرانسده بوتون دوللر طرفدن قبول ایدیلیمه جكنی ، سویش قنالتك جمعیت اقوام حمایه سنه تودیع اولونابیلیمه جكنی سویله مشدر . (ماقدونالد) بو ملاحظاتی قبول ایتشمش و كندی نقطه نظری اوزرنده اصرار ایتمشدر .

بونك اوزرینه زغلول پاشا (ماقدونالد) ك بر بحران سیاسی ایچنده بولوندیغنی ، بو بحرانك نتیجه سی بكمه مكدرسه مصره عودتك دها موافق اوله جغنی كورمش و بناء علیه مذاكراتی كسرك مصره عودت ایتمشدر .

مكه مكرمه صوك وضعیت :

۱۸ تشرین اول تاریخی (ده بی تلفراف) معلومات آتییه ویریور : حجازده كی انكلیز منابعدن آلمان معلومات ، برقاج كون مقدم (مكه مكرمه) یه كیره و هایلرك ابراز شدتن ویغما كرلكدن اجتناب ایتدكلینی تأیید ایتكمده در . بو معلوماته كوره و هایلر ، حسیات دینییه جریحه دار ایدیمه جك هیچ بر حركتمه بولونمادقلى كی اما كن مقدسه یه هیچ طوقونما مشلدر . (مكه مكرمه) ده كی و هایلرك كیتدكجه تزیید ایتدكلى آكلاشیلیور . سفك دمایی موجب اولاجق تشوشات و اغتشاشاتك وقوعندن قورقولمده در . برمدت مقدم نجد سلطانی (ابن السعود) (جدّه) یه بر مكثوب كوندرك (مكه) یه كیرمكى نیت ایتدیكینی ، فقط خلقك هیچ برشیدن قورقاملری لازم كلدیكینی بیان ایتمشدر . وهابی مجلس حربی ، قوای کلیه نك (مكه مكرمه) خارجنده قالماسنه قرار ویرمشدر .

ادرنه امام و خطیب مكته نك لغوی

صوك دقیقه ده (پاشا ایلی) غزته سنده اوقوندیغنه كوره ادرنده موجود امام و خطیب مكته نك لغو ایدلیدی معارف و كالتندن ادرنه ولایتته تبلیغ اولونمشدر .